



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Datum: 20.07.2017. godine

Naš znak: 11594-1/17

Na osnovu člana 70, 71. i 88. Zakona o javnim nabavkama Bosne i Hercegovine („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica i na preporuku Komisije za javne nabavke, donosim

ODLUKU

o izboru najpovoljnijeg ponuđača za nabavku cirkulacionih pumpi

I

Najpovoljniji ponuđač za nabavku cirkulacionih pumpi, izabran na osnovu provedenog postupka po konkurentskom zahtjevu za dostavljanje ponuda br. 53/2016 je:

ZI-MI d.o.o. Tuzla

II

Zadužuje se odabrani ponuđač da dostavi dokaze o ispunjavanju uslova lične sposobnosti iz paragrafa 3.1.1. tenderske dokumentacije u roku od 5 (pet) dana od prijema ove Odluke. Nakon ispunjenja ovog uslova bit će mu ponuđen Ugovor o nabavci iz prethodnog člana u roku od 10 dana od dana dostavljanja ove Odluke. Zadužuje se Služba za ekonomske poslove – Odjeljenje za komercijalne poslove da u roku od 3 (tri) dana od dana donošenja ove Odluke istu dostavi učesnicima i time ih ujedno obavijesti o rezultatima analize pristiglih ponuda u ovom postupku nabavke.

III

Ova Odluka stupa na snagu danom donošenja.

Obrazloženje

U postupku konkurentskog zahtjeva za dostavu ponuda, pokrenutog u skladu sa članom 14. i 88. Zakona o javnim nabavkama BiH a na osnovu plana nabavke za 2017. godinu od 24.12.2016. godine ugovornog organa, procijenjena vrijednost nabavke je iznosila 50.000,00 KM. Na osnovu obavještenja o nabavci broj: 1091-7-1-262-3-9/17 objavljenog na „Portal javnih nabavki“ dana 23.06.2017. godine, za nabavku cirkulacionih pumpi, ponudu su dostavili slijedeći ponuđači:

1. KOVINOTEHNA d.o.o. Sarajevo sa cijenom od 37.568,77 KM bez PDV-a
2. ZI-MI d.o.o. Tuzla sa cijenom od 49.862,00 KM bez PDV-a
3. PERO d.o.o. Zenica sa cijenom od 53.599,18 KM bez PDV-a.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija za javne nabavke je konstatovala slijedeće:

1. Ponuđač Kovinotehna d.o.o. u ponudi nije popunio Obrazac za ponudu (prilog II) u dijelu podaci o predstavniku ponuđača (tabelarni dio), zatim nepopunjen kompletan dio o Izjavi ponuđača na istom Obrascu gdje je bilo potrebno navesti: broj obavještenja, broj tenderske dokumentacije, cijenu ponude, iznos PDV-a i ukupnu cijenu za ugovor, što se u formalno pravnom smislu smatra neurednom prijavom, i imajući u vidu da je tačkom 4.1 stav b) tenderske dokumentacije zahtijevano da se svi obrasci sadržani u formi priloga TD dostavljaju popunjeni za ovaj postupak. Ponuđač KOVINOTEHNA d.o.o. ponudom cirkulacionih pumpi pod stavkama 1.1. pumpa GHN 32/70 - 180, zatim 1.10. pumpa GHN 80-190F ne zadovoljavaju tražene Q-H parametre, dok za pumpu pod stavkom 2.2. za pumpu CL 80-180/2 nije dostavljena kriva za provjeru radnih parametara.

2. Ponuda ponuđača PERO d.o.o. je veća od procijenjene vrijednosti nabavke koja je u ovom postupku bila do 50.000,00 KM bez PDV-a. Ponuđač PERO d.o.o. je ponuđenom pumpom pod stavkom 1.2. pumpa UPS 32-120F – ponudio prirubničku verziju a tražen je navojni priključak. Za stavke 1.9. i 1.10 su ponuđene jednobrzinske pumpe TP80-140/2, a tražene trobrzinske cirkulacione pumpe. Pumpa pod stavkom 1.10. je jednostepena pumpa TP80-140/2 i ne zadovoljava trežene Q-H parametre (Napor H – nije zadovoljavajući). Zatim je ponuđena pumpa pod stavkom 2.2. TP80-150/2, dok je dostavljena Q-H kriva za pumpu TP 80-150/4.
3. Ponuda Ponuđača ZI-MI d.o.o. je formalno pravno prihvatljiva te zadovoljava sve tehničke kriterije navedene u tenderskoj dokumentaciji.

Imajući u vidu da ponuda ponuđača ZI-MI d.o.o. jedina ispunjava uslove i kriterije u skladu sa tenderskom dokumentacijom i propisanim zakonom ista je ocjenjena kao najpovoljnija ponuda.

Na osnovu navedenog odlučeno je kao u dispozitivu Odluke.

Pravna pouka:

Protiv ove Odluke može se izjaviti žalba ugovornom organu u roku od 5 (pet) dana od dana prijema ove Odluke.

Dostavljeno:

3 x Ponuđači

1 x Uprava preduzeća

1 x Odjeljenje za komercijalne poslove

1 x Arhiva Javnih nabavki

1 x Nadzorni odbor preduzeća



Direktor

Kaknjo Sead, dipl.ing. maš.